

|             |                                     |            |                |
|-------------|-------------------------------------|------------|----------------|
| Headline    | Hampir 90 peratus judi siber tumpas |            |                |
| MediaTitle  | Berita Harian                       |            |                |
| Date        | 09 Aug 2016                         | Language   | Malay          |
| Circulation | 125,514                             | Readership | 947,000        |
| Section     | Nasional                            | Page No    | 28             |
| ArticleSize | 417 cm <sup>2</sup>                 | Journalist | Ifwan Tun Tuah |
| PR Value    | RM 42,957                           |            |                |
|             |                                     |            |                |



## SIDANG DUN NEGERI SEMBILAN

# Hampir 90 peratus judi siber tumpas

➔ Tindakan tegas kerajaan negeri banteras kegiatan perjudian

Laporan Ifwan Tun Tuah

ifwan@bh.com.my

✶ Seremban

**T**indakan tegas kerajaan Negeri Sembilan membantaras pusat judi siber haram berhasil apabila kira-kira 90 peratus premis terbabit sudah menghentikan operasi.

Menteri Besar, Datuk Seri Mohamad Hasan, berkata pelbagai langkah diambil termasuk mewujudkan Jawatankuasa Membantaras Judi Siber Haram bagi merangka strategi memerangi kegiatan itu yang menjadi punca masalah sosial dan merosakkan institusi kekeluargaan dan masyarakat.

“Baru-baru ini, kita beri kata dua (kepada ketua balai, ketua polis daerah). Saya tak kata halau, tapi saya kata akan minta mereka ditukarkan ke tempat lain jika tak boleh buat kerja (perangi judi siber haram). Hasilnya, pemeriksaan terbaru mendapati tiada premis judi siber haram di daerah Kuala

Pilah dan Tampin.

“Secara keseluruhan, kira-kira 90 peratus premis judi siber haram di negeri ini sudah tidak beroperasi,” katanya menjawab soalan tambahan Loke Siew Foke (DAP-Chennah) pada persidangan Dewan Undangan Negeri (DUN), semalam.

Katanya, usaha berterusan sentiasa dilakukan untuk memerangi sindiket perjudian terbabit serta memastikan tiada lagi premis baharu dibuka, termasuk tidak membenarkan pemilik premis menggunakan bangunan untuk sebarang aktiviti perniagaan selama tiga tahun jika ia didapati disewakan kepada sindiket.

### Rampas peralatan judi

Selain itu, beliau berkata, Tenaga Nasional Berhad (TNB) dan Syarikat Air Negeri Sembilan (SAINS) diarah memotong bekalan elektrik dan air ke premis yang didapati menjalankan kegiatan haram itu.

Terdahulu, Mohamad dalam ja-

wapannya kepada soalan Abd Rahman Mohd Redza (BN-Linggi), berkata sejak Januari sehingga Jun lalu, pihak berkuasa terutama polis membuat kira-kira 3,000 serbuan dan merampas lebih 1,000

peralatan perjudian, termasuk komputer yang digunakan dalam aktiviti berkenaan.

Sementara itu, Menteri Besar berkata, kerajaan negeri menyusun strategi rapi bagi memastikan bekalan daging lembu di negeri ini bukan sahaja mencukupi, malah harganya dapat diturunkan menjelang Aidiladha ini berbanding lebih RM30 sekilogram sekarang yang dianggap terlalu mahal dan membebankan rakyat.

“Kita faham dan sedar masalah ini. Kerajaan negeri akan ambil tindakan untuk membekalkan sebanyak mungkin daging lembu (menjelang Aidiladha) bagi membantu menurunkan harganya,” katanya ketika ucapan penangguhan persidangan DUN.

|             |                                     |            |                |
|-------------|-------------------------------------|------------|----------------|
| Headline    | Hampir 90 peratus judi siber tumpas |            |                |
| MediaTitle  | Berita Harian                       |            |                |
| Date        | 09 Aug 2016                         | Language   | Malay          |
| Circulation | 125,514                             | Readership | 947,000        |
| Section     | Nasional                            | Page No    | 28             |
| ArticleSize | 417 cm <sup>2</sup>                 | Journalist | Ifwan Tun Tuah |
| PR Value    | RM 42,957                           |            |                |
|             |                                     |            |                |



|             |                                     |            |                |
|-------------|-------------------------------------|------------|----------------|
| Headline    | Hampir 90 peratus judi siber tumpas |            |                |
| MediaTitle  | Berita Harian                       |            |                |
| Date        | 09 Aug 2016                         | Language   | Malay          |
| Circulation | 125,514                             | Readership | 947,000        |
| Section     | Nasional                            | Page No    | 28             |
| ArticleSize | 417 cm <sup>2</sup>                 | Journalist | Ifwan Tun Tuah |
| PR Value    | RM 42,957                           |            |                |
|             |                                     |            |                |

